

2. NUNGZUI HIHNA: A THUPITNA LEH A MAN

a. Laisiangtho bulphuhte:

Jn. 15:16; Lk. 14:26-35; Matt. 28:18-20;
 Matt. 10:37-39; Lk. 9:23.

b. Nungzui hihna Banghang?

- (i) Zeisu in leitungah a mihon lak nasepna kum thum leh a lang sungin nunzui sawm leh nihte pattah na a thupi pen sakna tawh nungzui hihna a thupi na lakkhia hi.
- (ii) Zeisu in sawt a kimang ding gah a ngimna tawh nungzuite a pantah dingin a nungzuite khempeuh sawl hi.
- (iii) Nungzui hihna pen Pasion ading i leitung i phakkim nading a ahoihpen zia hi. Zeisu nungzui sawm leh nihte leh Paul in hih leitung a a neih uh lunglutna/veina in nungzui hihna a manphat na hong lak hi. Hoih tak a a kipantah, a ki-ap nungzui tawmkhatte in khathu ah a thuukna a nei lo mi kikhel tampite sangin Pasion ading gualzawhna tampi neizaw uh hi. A taktak in cileng nungzui hihna pen leitung a ban ding a Pasion teel sep zia hi. Nungzui khat bek in Khazih kiangah mikhat bek tumpih in kumkhat bup a pattah leh a kumkik teh tua nungzui pa leh nungzui suaksakte gel in nungzui khat a suaksak khawm uh hi a, a kum kik teh tuate in nungzui lite in li suaksak bek in (khat in khat), tua bang tawh kum sawm thum bang teh leitung bup mikhempeuh in gupna ngah dinguh hi-hih pen ga-nan (Mathematics). tuatna zia dungzui bang hi.
- (iv) A nunung pen ah khalam a picing Christian-te hong suak hi. Picinna pen kum khanna, thutheihna leh thutuakhakte tawh hong mawk pian tawm lo in, Khazih Zeisu leh a kammal manna bulphuh a, khalam ah a banban a khanna pan a hong piang hizaw hi.

c) Khalam Picinna lim sagih-te

- (i) Pasion ading nasepna ah cihtakna (Matt. 25:14-30).
- (ii) A kiniamkhiat lungsim puak leh midangte a ding nasep nopna (Jn. 13: 12-17).
- (iii) A pong pi a i nuntakna ah a hoihpen dinmun nuntakna (2Cor. 13:11).
- (iv) Zeisu tawh kinaitak a kizopna (Gal. 2:20).
- (v) I nuntaknate ah Khasiangtho gah kilatkhiatna (Gal. 5:22-23).
- (vi) Pasion leh mite mai ah a kho, a kip leh a siangtho a kalsuan khopna (Eph. 4:11-16).
- (vii) Pasion Kammal kitel tak a theihna leh tua hang a khentel theihna (Heb. 5:13-6:2).
Ciapteh ding: Hih pen "Khazih-sutna" kici thei hi (1Jn. 2:6).

d) Khalam Picinna a kisapna:

- (i) Khazih sung-a picin'na ah khantoh na pen Laisiangtho hong deihsak Christian khempeuh ading lametna hi (Eph. 4:11-16).
- (ii) Picin'na lo tawh ma kai hihna om theilo a, makaite pen Pasion Tuuhon a cing Tuucingte ahihman in makaite pen Pawlpi ading kism hi (1Pet. 5:1-3).
- (iii) A picing Christiane bek dawimangpa leh a khuamial vangliatna langkhat ah khauhtak in ding thei a, hih pen i sep ding a Pasion in a deih ahi hi (Matt. 12:29).
- (iv) Christian picingte in tuni a i leitungah Pasion ading sawt a kimang veina nei uh hi.

(v) A picing nungzuite bek in hih leitung ah Khazih gamtat zia hawm khiat theih na a etteh tak itna tungtawn in nei uh hi.

c) Phawk in:

Mi kikhelte behlapna in a piang thak thu umte tamsak a, ahizong in nungzui suahsakna in a khangsak thei nungzuite piangsaka, tua in a piangthak nungzuite khangsak teuleu hi.

f) Nungzui maankhat hihna Man

Nungzui hihna pen a thupi mahmah nasep hi. Hih pen a man tamna hi a; tua pen Zeisu in amah leh amah a kiet zia hi. Hih pen a nungzuite pak lupna piakna tawh kipankhia lo hi. Bang kihel cih tawh a kipatna pan kitel cian sak hi. Zeisu nungzui khat hihna ah i singlamteh pua a a nung i zuih ding kisam hi (Lk. 14:27). Pasion in ama deih bang in i nuntakna khempeuh leh i neih khempeuh Pasion tuangah i piak ding kisam hi.

g) Mi tampite in a tawmzaw adingin bawl uh hi

Christian tampite in Khazih hihna leh a lametna tawmbek a sun nungzui hihna lim ading in bawl uh hi.

Ama kammalte pen a kituak a, gawm khopnate om thei zel a, aih keileh mimal man pelh theih nading in gawmkhawm thei zel uh hi. Tua hang in Christian tampite Pasion in a hih nadinguh a deih zah hi zoio in, Pawlpi pen a thanem in kikoih leh, thahat lo aih keh a kician lo suak hi. Pasion tate pen hih leitungah Zeisu ompihna nuntakna kilamdanna lahkhiat ding ahi hi. Pawlpi sung nangawn ah Christian tampite pen a niampen pawlpi mi maimai hi lel uh a, tua lai tawh kituak uh hi. Tua pen, a sia pen aih keh a lawhcing lo pen mite nungzui uh hi. Pasion in ama mi hoih pente etteh-a ciin ding hong deih a, a tawpna ah Zeisu mahmah etteh ding ahi hi (1Cor. 11:1).

h) Aman Simna

Pasion in a tate amau leh amau bangzahzah man pia ta le uh awlmawh lo a, a citak ding leh Topa thu a mang ding kipumpiakna taktak tawh nungzui hihna a tuak kha ding sam hi. Zeisu a itna ban vuah, amau nuntakna ah ama dinmun thuah in zang nuam uh hi. Man piak loh nungzui hihna pen nungzui hihna man hilo hi. Christiane pen Khazih Zeisu nung a zuih theih nading in amau leh amau kinial in nisim in a singlamteh uh a pua ding a kisam ahi hi. A singlamteh uh pen a tung vua kisuan vangik hilo in, lungdamna thu hang a utna tawh a puak uh na khat hi. Pasion pen nungzuite ading leh amau itte khempeuh ading hong pai masa hi. Zeisu in tua bang a nungzui hihna ding a sang/tam man kal ahihman in, mimal khat ciatte in a man a sim masak dingin to/tawng hi (Lk. 9:57-62; Jn. 6:60-99; Mark 10:17-31). Zeisu in a kalh nungzui hihna ding a man tam etna tawh thuktak a ki-ap nungzui tawmno cik bek a neih pen a lamdang hi'lo hi. Ahizong in tua tawmno cikte bel leitung a kikhelsak dingin kicing hi.

i) Nungzui hihna man in eite khempeuh man hong kal hi

(i) Nungzui khat bang a nuntakna pen deihteel theih hilo a, Zeisu in ama nungzui khempeuh tung pan a lam-et Christian maimai khat ii kipiakna hi.

(ii) Nungzui man khat in ama nuntakna khempeuh ading Zeisu pen a kilawm amau Topa a hihna phawkthei in sanguh hi.

- (iii) Nungzui man khat in Khazih kammalte um in ama nuntakna Khazih Zeisu tungah kipia hi.
- (iv) Zeisu nungzuite in na khatpeuh a sepna vuah lungtung lopi leh lunglut lopi in hi thei lo a, Zeisu nungzui ahihna uh tawh Pasion Gam thubulpite adinga amah a nuntakna leh a sihna a phawk dinguh thupi hi.

j) Laisiangtho tawh kituak nungzui hihna dinga neihkhohh ding dinmunpi nga

(i) Cihetakna

Acitak leh a kimangthei mite bek nungzui hihna pahtah nading in a kiim in cing uh hi.

(ii) Zeisu itna leh amah masaksakna

Hih pen am deihna bang a nuntakna hi. i.e, Thumanna.

(iii) Ei le ei kipumpiakna tawh kipiak nopna hi.

Khalam picin'na ah khantohna in hun, thahatna leh khatveivei kizopnate nangawn hong kal hi. Pasion in eite khatciat adingin aituam nungzui hihna geelna nei hi. Eite amah Topa Zeisu tawh kisutna ah i kikhel theih nading in hih bang geelna ah i puk tek ding Pasion in hong deih hi (Phi. 2:13; 2Cor. 9:8; 1Thess. 5:23-24).

(iv) Khalam gilkialna

Hih khalam ah khantoh ding lunggulhna takpi leh Pasion zat ding lunggulhnate kihel hi.

(v) Hilh theih lungsim puak

Eite in Pasion Kammal thuneihna ah kipiak ding i ut ciangin leh eite tungah Pasion in hong koih khalam makaite tungah i kipiak ciangin amah leh amah hong kilangh hi.

k) Dotna leh kikup ding thute

1. Zeisu in a nungzuite tungtawn in hih leitungah kithuahkhopna khat bawl ahi hiam? Bang hang hiam?
2. Bang hangin Khalam picin'na pel lo ngim ding i hi hiam? (Col. 1:23).
3. Khazih sutna pen bang hiam? (Rom. 8:29).
4. Na singlamteh puakna bang a cihna hiam? (Matt. 16:24-25).
5. Bang hangin Pawlpi a zawngkhal, a thanem leh lawhcing lo in kimu thei hiam?
6. Zeisu nungzui khat hihna ah man i sim ding mah hiam? (Lk. 14:25-31).
7. Zeisu pen na nuntakna ah Topa na suahsak ding a kilawm hiam? (Col. 1:15-20).
8. Zeisu in ama nasem dingin bangci mite zong hiam? (Lk. 16:10-12; Matt. 25:14-30).
9. Mikhat in leitung bup ngah in a kha taan leh bang hoihna om tuan ahi hiam? (Matt. 16:26-27).
10. Matt. 16:24-25 leh 1Jn. 5:12 dungzui in i nuntaknate koici gup theih i hiam?
11. Na lungtang koi ah om ding ahi hiam?(Lk. 12:32-34).
12. Nungzui man khat bangin Zeisu nungzui le cin na nuntakna ah bang khelnuam na hi hiam? Kam kum in.

l) Tomlakna leh Zatpahna

1. Zeisu in nungzui hihna pen masak in a nei hi. Tua ahih ciangin eite zong i tua cih ding ahi hi.

2. Nungzui hihna pen leitung a phak nading a Pasion teelzia hi.
3. Kham a picing Christiante pen nungzui hihna ii tupna nunung pen ahi hi.
4. Zeisu nungzuih ding leh a tamzawte ading a nuntak dingin lungsim khensatna i bawl ding kizam hi. Zeisu nungzuihna pen ama sep bang tawh kibang a paina hi a, hih pen man tam dingin a mah in hong hilh khol hi. Tua in eite tungah na khempeuh hong kal dingin Zeisu in gen hi.
5. Pasion tate in leitungah Zeisu lahkhiat ding ahi hi. A taktak in bel amah sutna ah eite khempeuh i kihel ding ahi hi.
6. Nungzuite i hihna tawh Zeisu i itna hangin thuhilh theih mi, a citak kham a gilkiat leh a kipumpiakte i hih ding ahi hi.
7. Mihing ngeina bel thuman ding ki-ut lo in man piakna ah zong kilungdam lo hi. Eite san theih nungzui hihna ciangah om in, tua pen Pasion san theih bang a ngaihsut a nuntakna pen baih hi.